

» proposizion, ma non al Mazor Conseggio. No regge certo la di-
 » gnità del sovrano, reggerà la bona fede, l'onestà dei corpi, no
 » ghe ne dubito: ma combatto la proposizion. Sta proposizion ze
 » donca delusoria, quanto alla ommission. L' eccitamento ha ditto
 » generi de prima necessità. L' ha ripetudo el so comando el Mazor
 » Conseggio. La proposizion dise viveri. Quel che ze viveri, ze
 » generi de prima necessità: quel che ze viveri, pol esser generi
 » de prima necessità. Dove se parla de panni, dove de sede, dove
 » delle candele de seo, quel felice prolungator del zorno tanto al
 » popolo necessario? Viveri vol dir generi de prima necessità, non
 » vol dir tutto quello che serve a uso della vita. La proposizion
 » donca non combaccia coll' eccitamento e col comando.

» Nell' articolo del costume no ghe forse ommission? Accolto
 » con universali sentimenti de giubilo dove se parla nella propo-
 » zion d' educazion patrizia, de quella educazion, che nell' eccita-
 » mento ha tirà un giusto rimprovero alla mal combinata accade-
 » mia dei nobili? Dove ze el patrizio decoro? Dove la dignità della
 » patria? El Mazor Conseggio ha accolto con 545 voti i zelanti
 » desiderj de un cittadin. L' ha comandà, che ghe fosse imparte le
 » opportune provvidenze su tutti sti articoli. Nella proposizion a chi
 » zeli raccomandadi? Dove se parla de educazion de popolo?
 » Dove de sto albergo? A chi ze raccomandadi i ospiali, che pur
 » ze in stato tanto deplorabile con private lagrime e con pubblica
 » ignominia? A chi ze appoggià el clero secolare e regolare, dal
 » qual tutta dipende la religion, che ze quasi perduda? Qual società
 » pol sussister senza de ella? Senza religion no gh' è colpe morali,
 » no ghe sicurezza nella propria casa, nell' augusto ricetto della
 » giustizia, nei tribunali. Deperisce la rason, se perde per fin la cri-
 » minal giustizia.

» Ma, se illusoria ze la proposizion la ze anca falsa nei suppo-
 » sti. La dise, ch' el costume fu dal Mazor Conseggio delegà all'ec-
 » celsò Conseggio de Dieci. Falsissimo supposto. Sta parola *Co-*
 » *stume* comprende ogni umana azion. In nessun governo a nessun